



Broj: 05-04-20-2503-13/26
Maglaj, 29.05.2026. godine

Na osnovu člana 72. stav (3) tačka e) Zakona o javnim nabavkama („Službeni glasnik BiH“, br. 39/14, 59/22 i 50/24) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), u postupku javne nabavke „Nabavka opreme za servisiranje PP aparata“, Općinski načelnik donosi

ODLUKU

o dodjeli ugovora za LOT 1 drugorangiranom ponuđaču

I

Ugovor o nabavci uređaja za servisiranje i ispitivanje PP aparata tipa „S“ i „CO2“ i ispitivanje hidrantskih crijeva na HVP (hladni vodeni pritisak) svih vrsta i tipova (kombinovani sistem) dodjeljuje se drugorangiranom ponuđaču „VUMI“ d.o.o. Bijeljina, u skladu sa ponudom broj 45/26 od 06.05.2026. godine, po ukupnoj cijeni od 18.781,00 KM bez PDV-a, odnosno 21.973,77 KM sa uračunatim PDV-om, a nakon što je izabrani provorangirani ponuđač odustao od zaključenja ugovora.

II

Ovom odlukom stavlja se van snage Odluka o izboru najpovoljnijeg ponuđača za LOT 1, broj 05-04-20-2503-7/26 od 18.05.2026. godine, kojom se predmetni ugovor dodjeljuje ponuđaču „Fire Trade“ d.o.o. Srebrenik.

III

Ponuđač iz tačke I se oslobađa obaveze dostavljanja dokumentacije koja je tenderskom dokumentacijom utvrđena kao dokumentacija koju dostavlja izabrani ponuđač, s obzirom da je ista dostavljena uz ponudu.

IV

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

V

Ova odluka stupa na snagu danom donošenja.

O b r a z l o ž e n j e

Odlukom o izboru najpovoljnijeg ponuđača za LOT 1, broj 05-04-20-2503-7/26 od 18.05.2026. godine, ugovor o nabavci uređaja za servisiranje i ispitivanje PP aparata tipa „S“ i „CO2“ i ispitivanje hidrantskih crijeva na HVP (hladni vodeni pritisak) svih vrsta i tipova (kombinovani sistem) dodijen je ponuđaču „Fire Trade“ d.o.o. Srebrenik, po ukupnoj cijeni od 18.750,00 KM bez PDV-a, odnosno 21.937,50 KM sa PDV-om.

Ova odluka je, zajedno sa zapisnikom o pregledu i ocjeni ponuda, dana 19.05.2026. godine dostavljena putem maila svim ponuđačima koji su učestvovali u postupku za LOT 1, u skladu

sa članom 70. stav (2) Zakona o javnim nabavkama. Svi ponuđači su istog dana potvrdili prijem predmetne odluke. Prijedlog ugovora je, dana 25.05.2026. godine, upućen izabranom ponuđaču na potpisivanje, a isti je 26.05.2026. godine obavijestio ugovorni organ da odustaje od zaključenja predmetnog ugovora.

Imajući u vidu navedeno, ugovorni organ je postupio u skladu sa članom 72. stav (3) tačka e) Zakona o javnim nabavkama i ugovor dodijelio drugorangiranom ponuđaču. Prilikom donošenja ove odluke, ugovorni organ se rukovodio stavom Agencije za javne nabavke BiH, prema kojem je odluka o dodjeli ugovora drugorangiranom ponuđaču internog karaktera, te se ne dostavlja svim učesnicima u postupku, niti postoji pravo žalbe na istu. Naime, Zakon o javnim nabavkama propisuje da ugovorni organ dostavlja prijedlog ugovora ponuđaču koji je po rang-listi odmah nakon ponude najuspješnijeg ponuđača, u zakonom definisanim slučajevima. Također, svim učesnicima u postupku je već u ranijoj fazi dostavljena odluka o izboru najpovoljnijeg ponuđača i zapisnik o pregledu i ocjeni ponuda (sa rang-listom), tako da su oni imali sve činjenice dostupne, pa i činjenicu ko je drugorangirani. Pravna zaštita je osigurana kroz mogućnost žalbe nakon objave obavještenja o dodjeli ugovora, ukoliko se iz istog utvrdi da ugovor nije dodijeljen drugorangiranom.

Imajući u vidu sve navedeno, a primjenom odredbe člana 72. stav (3) tačka a) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke žalba nije dozvoljena.

DOSTAVLJENO:

1. "Vumi" d.o.o. Bijeljina
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK
Maid Suljaković